

১৪ ফেব্রুয়ারি ২০২০ইং

সংবাদ বিজ্ঞপ্তি

আশকোনা অস্থায়ী কোয়ারান্টাইন কেন্দ্র (হাজী ক্যাম্প) পরিদর্শন

কোয়ারান্টাইনকৃত উহান ফেরত বাংলাদেশের নাগরিকদের কোয়ারান্টাইনের ১৪ দিন আগামী ১৫ ফেব্রুয়ারি, ২০২০ ইং তারিখ শেষ হতে যাচ্ছে। আইইডিসিআরএর পরিচালক প্রফেসর ডাঃ মীরজাদী সেব্রিনা ফ্লোরার নেতৃত্বে আইইডিসিআর ও স্বাস্থ্য অধিদপ্তরের রোগ নিয়ন্ত্রণ শাখার উচ্চ পদস্থ কর্মকর্তাদের সমন্বয়ে একটি দল আজ আশকোনা অস্থায়ী কোয়ারান্টাইন কেন্দ্র (হাজী ক্যাম্প) পরিদর্শন করেন এবং কোয়ারান্টাইন সমাপ্তির শেষে করণীয় নিয়ে বৈঠক করেন। বৈঠকের সিদ্ধান্ত অনুযায়ী কোয়ারান্টাইন শেষে উহান ফেরত বাংলাদেশের নাগরিকদের সর্বশেষ স্ক্রিনিং আগামী ১৫ ফেব্রুয়ারি ২০২০ইং বিকেলে অনুষ্ঠিত হবে। কোয়ারান্টাইন পরবর্তী সময়ে কোয়ারান্টাইনকৃতদের আইইডিসিআরএর সাথে নিয়মিত যোগাযোগ রাখার পরামর্শ দেয়া হবে।

সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ বেলা ১১টায় আইইডিসিআর মিলনায়তনে বাংলাদেশে COVID-19, সিঙ্গাপুরে ও বিশ্ব পরিস্থিতি সম্পর্কে অবহিত করা হয়। পরিস্থিতি তুলে ধরেন আইইডিসিআর-এর পরিচালক প্রফেসর ডাঃ মীরজাদী সেব্রিনা ফ্লোরা।

বাংলাদেশ পরিস্থিতিঃ কোয়ারান্টাইনকৃতদের স্বাস্থ্য পরিস্থিতি

সম্মিলিত সামরিক হাসপাতালে আইসোলেশন ইউনিটে রাখা ১১ জন এবং আশকোনা অস্থায়ী কোয়ারান্টাইন কেন্দ্রে উহান ফেরত ৩০১ জন বাংলাদেশের নাগরিক সুস্থ আছেন।

সিঙ্গাপুর পরিস্থিতি

সিঙ্গাপুরে বাংলাদেশ দূতাবাস থেকে প্রেরিত সর্বশেষ খবরে আমরা জানতে পেরেছি যে, মোট ৪ জন বাংলাদেশের নাগরিক COVID-19 সংক্রমিত হয়ে হাসপাতালে চিকিৎসাধীন আছেন। তাদের মধ্যে ১ জন আইসিইউ-তে আছেন। কোয়ারান্টাইনে আছেন ৬ জন বাংলাদেশের নাগরিক।

গুজব প্রতিরোধে করণীয়

সংবাদ সম্মেলনে জনমনে প্রচলিত বিভিন্ন গুজবের কথা উল্লেখ করা হয়। প্রফেসর ডাঃ মীরজাদী সেব্রিনা ফ্লোরা সাংবাদিকদের মাধ্যমে দেশবাসীর উদ্দেশ্যে এসব গুজবে কর্নপাত না করে গুজব প্রতিরোধে সার্বিক সহযোগীতার আহ্বান জানান।

নমুনা পরীক্ষা

আইইডিসিআর এ যাবৎ মোট ৬২টি নমুনা পরীক্ষা করেছে এবং এখন পর্যন্ত বাংলাদেশে COVID-19 সংক্রমণের কোন উপস্থিতি পাওয়া যায়নি।

শেষ পর্যায়ে তিনি সাংবাদিকদের নানা প্রশ্নের উত্তর দেন।

COVID-19 সংক্রান্ত সর্বশেষ পরিস্থিতিঃ (ক্রিনিংকৃত যাত্রীর সংখ্যা) (১৪ ফেব্রুয়ারি ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট ক্রিনিংকৃত যাত্রীর সংখ্যা	১৩৫৪২	১৪৬৭৪৮
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত ক্রিনিংকৃত যাত্রীর সংখ্যা*	৭৮৬৯	৬৬৫৫৪
ক্রিনিংএর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	১
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) ক্রিনিংকৃত যাত্রীর সংখ্যা	২৩৯	১৭১১
ঢাকা ক্যান্টনমেন্ট রেলওয়ে স্টেশনে ক্রিনিংকৃত যাত্রীর সংখ্যা	৬২	৪৪২
অন্যান্য চালু স্থলবন্দরগুলোতে ক্রিনিংকৃত যাত্রীর সংখ্যা	৫৬১১	৭৯৭৫২

* গত শুক্রবার ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ক্রিনিং করা হচ্ছে।

** কোনো কোনো বন্দর থেকে প্রতিবেদন সময়মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

COVID-19 সংক্রান্ত সর্বশেষ পরিস্থিতিঃ (১৪ ফেব্রুয়ারি ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোটকলের সংখ্যা	১২২	২০৩৭
আইইডিসিআর হটলাইনে COVID-19 সংক্রান্ত মোট কলের সংখ্যা	৯৩	১৫০৮
আইইডিসিআরএ আগত COVID-19 সংক্রান্ত মোট সেবাগ্রহীতার সংখ্যা	০	৭৩
COVID-19 পরীক্ষা করা মোট নমুনার সংখ্যা	০	৬২
নিশ্চিতকৃত COVID-19এর মোট রোগীর সংখ্যা	০	০

COVID-19 সম্পর্কে কোন জিজ্ঞাস্য থাকলে আইইডিসিআর-এর হটলাইন নম্বর এ যোগাযোগ করুনঃ

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

শ্বাসতন্ত্রের সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ড যাবৎ)
- অপরিস্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/ কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন

- মাছ-মাংস-ডিম ভালোভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- জরুরী প্রয়োজন ব্যতীত চীন ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা
পরিচালক

ফোন নম্বরঃ ০২-৯৮৪২২৭০